

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- भारती चुनां आयोग नै जम्मू कश्मीर च त्रीए गेड़ दे असेंबली चुनां लेई अधिसूचना जारी करी दित्ती ऐ। इस गेड़ लेई नामांकन भरने दी खीरी तरीक 12 सितम्बर ऐ ते मतदान पैहली अक्टूबर गी करोआया जाग।
- प्रदेश च दुए गेड़ दे असेंबली चुनां लेई 310 मेदवारें नामांकन भरे न। नामांकन पत्रें दी जांच अज्ज होग ते मेदवार 9 सितम्बर तगर आना नां वापस लेई सकदे न।
- केन्द्र शासत प्रदेश जम्मू कश्मीर च आम निगरानें ते जिला चुनां अधिकारिएं अपने-अपने सरबंधत इलाकें च बनाए गेदे स्ट्रांग रूमें दा व्यापक निरीक्षण कीता ऐ।
- इक शोध च एह गल्ल सामने आई ऐ जे स्वच्छ भारत मिशन नै 2011 थमां 2020 बश्कार भारत च हर बरे 60 शा 70 ज्हार न्याणें दी मौतें गी होने शा रोक़ी दित्ता ऐ।

<><><><><><>

Final Notification

भारती चुनां आयोग नै जम्मू कश्मीर च औंदे असेंबली चुनां दे त्रीए ते खीरले गेड़ लेई अधिसूचना जारी करी दित्ती ऐ। एह अधिसूचना कुपवाड़ा, बारामुला, बांडीपोरा, उधमपुर, कटुआ, सांबा ते जम्मू जिलें दे 40 असेंबली हल्कें लेई जारी कीती गई ऐ जित्थें पैहली अक्टूबर गी वोट पोआए जाने न। अधिसूचना मूजब इस गेड़ लेई नामजदगियां दाखल करने दी खीरी तरीक 12 सितम्बर ऐ जिसलै के नामजदगी आले कागदें-पत्रें दी जांच अगले रोज यानि 13 सितम्बर गी कीती जाग। मेदवार जेगर चाहन तां 17 सितम्बर तगर अपनी मेदवारी परताई बी सकदे न। जम्मू कश्मीर च पैहले गेड़ तैहत 18 सितम्बर गी जिसलै के दुए गेड़ तैहत 25 सितम्बर गी वोट पोआए जाने न। प्रदेश च 10एं बरें दे वक्फे परेंत ते 2019 च जम्मू कश्मीर थमां दफा 370 हटाने ते इसी दरुं केन्द्र शासत प्रदेशें च तकसीम करने परेंत पैहली बारी असेंबली दे चुनां होने जा करदे न।

<><><><><><>

Nomination

जम्मू कश्मीर विधानसभा चुनाव-2024 के लिए गेड़ च 6 जिले के 26 विधानसभा हलके लेई 310 मेदवारें अपनियां नामजदगियां दाखल कराइयां न। कल नामांकन पत्र दाखल करने की खीरी तरीक ही। नामांकन पत्रों की जांच अज्ज सरबंघत रिटर्निंग अधिकारिएं आस्सेआ कीती जाग ते मेदवार 9 सितम्बर की दपैहरी 3 बजे तगर अपना नामांकन पत्र वापस लेई सकदे न। दुंगे गेड़ च 25 सितम्बर की 26 चुनावी हलके च बडलै 8 बजे शा संजा 6 बजे तोड़ी वोट पाए जांगन।

<><><><><><><>

Rajouri Election

राजौरी के बुद्धल असैंबली हलके लेई पुलस निगरान, डाक्टर विष्णु कांत के आम निगरान एस.हरीश होरें राजौरी हलके लेई सरकारी डिग्री कालेज आले स्ट्रांग रूम के सरकारी हायर सकेंडरी स्कूल राजौरी च वोटें की गिनतरी आले हाल दा कल सांझे तौर पर निरीक्षण कीता। उनें थन्नामंडी असैंबली हलके लेई खडरे के डायट आले स्ट्रांग रूम दा बी दौरा लाया। उंदे इस दौरे दा मकसद इस गल्लै की जकीनी बनाना हा जे वोटें की गिनतरी लेई सब्बनें प्रबंधें की चुनां आयोग के निर्देशें मूजब गै तोड़ चाड़ेआ जा। निगरानें, राजौरी के थन्नामंडी आले स्ट्रांग रूम च लॉग बुक रजिस्टरें दा बी निरीक्षण कीता। एहके अलावा उनें एकडे परिसरें की चार दिवारी दा निरीक्षण बी कीता के उत्थें उचित तारबंदी, सुरक्षा के लाईटें के प्रबंध जकीनी बनाने के निर्देश जारी कीते।

<><><><><><><>

Kathua Election

खर्चे सरबंधी निगरान अतेशम अंसारी होरें कल कठुआ जिले च चुनां सरबंधी सुविधाएं जियां संगठित चुनां नियंत्रण कक्ष, मीडिया प्रमाणन के निगरान समिति एमसीएमसी के डीईओ दफतर च स्थापत मीडिया केन्द्र के होर दुइए सुविधाएं दा जायजा लैता। एहदा उद्देश्य औंदे चुनावे लेई कीती जा'रदिएं तैआरिएं दा जायजा लैना हा। निगरान होरें चुनां सरबंधी नियम कायदे की पालमा करने के सुविधाएं के उच्च मयार लेई गलाया।

<><><><><><><>

Bhaderwah Election

आम निगरान मल्लिकार्जुन होरें कल भद्रवाह चुनावी हल्के च चुनावी सरबन्धी तैआरिएं दा जायजा लैने लेई इक बैठक दी प्रधानता कीती। इस मौके निगरान होरें सब्बने मतदान केन्द्रे दी सटीक ते सुलभ सूचना दे कन्नी कन्नी सब्बने विभागें गी समें उप्पर चुनावी सरबन्धी कम्में गी पूरा करी लैने लेई गलाया। इस मौके मतदान केन्द्रे च सुरक्षा सरबन्धी हिलें, वोटरे गी दितती जाने आलिएं सुविधाएं ते होर दुइएं सहूलतें बारे बी तफसीली चर्चा कीती गई।

<><><><><><>

Ramban Election

रामबन दे आम निगरान हिमांशू कुमार राय होरें कल जिला चुनावी अधिकारी बसीर-उल-हक-चौधरी हुंदे सने रामबन च बनाए गेदे स्ट्रांग रूम दा निरीक्षण कीता। इस मौके चुनावी सरबन्धी तैआरिएं दा बी जायजा लैता गेआ। निगरान होरें उस थाहर दा बी दौरा लाया जित्थें चुनावी अमले गी सिखलाई दित्ती जा'रदी ही। इस निगरान होरें सिखलाई लै'रदे अमले जेहड़े इलैक्ट्रानिक वोटिंग मशीनें ते वीवीपीएटी सिस्टम दी सिखलाई लै'रदे हे, उंदे कन्ने गल्लबात बी कीती।

<><><><><><>

Swachh Bharat Mission

बड़ी मती प्रतिष्ठा आली अंतर्राष्ट्री विज्ञान पत्रिका "नेचर" च प्रकाशत कीता गेदा शोध एह दस्सदा ऐ जे प्रधानमंत्री नरेन्द्र मोदी हुंदे आस्सेआ शुरू कीते गेदे स्वच्छ भारत मिशन नै भारत च 2011 ते 2020 मझाटै हर ब'रे 60 शा 70 ज्हार न्याणें ते गिल्लुएं दी मौतें गी रोकने च बड़ी मती मदाद कीती ऐ। शोधकर्ताएं 2011 ते 2020 बश्कार 35 राज्यें ते 640 जिलें दी शिशु मृत्यु दर ते 5एं ब'रें शा लौहकी उमरी दे बच्चें दी मृत्यु दर दे आंकड़ें दा शोध कीता हा। नेचर पत्रिका दी इस रिपोर्ट गी सांझा करदे होइ प्रधानमंत्री होरें आखेआ जे ओह स्वच्छ भारत अभियान जनेह जतनें दे प्रभाह गी उजागर करने आले शोध गी दिक्खियै मते खुश न। मोदी होरें आखेआ जे लोकें दी शौचालयें तगर पुज्ज, न्याणें ते गिल्लुएं दी मृत्यु दर गी घट्ट करने च महत्त्वै आली भूमका नभांदी ऐ। शैहरें गी खुल्ले च शौच शा मुक्त बनाने लेई ब'रे 2014 च स्वच्छ भारत अभियान शुरू कीता गेआ हा।

<><><><><><>

Scholarship

सरकार नै 2024–25 लेई National Means Cum Merit वजीफे सरबंधी स्कीम लेई चुने गेदे होनहार विद्यार्थिं आस्सेआ आवेदन जमा करने दी खीरी तरीक इस म्हीने दी 30 तगर बघाई दित्ती ऐ। केन्द्रीय शिक्षा मंत्रालय नै गलाया ऐ जे इस स्कीम तैहत आर्थिक तौरा उप्पर कमजोर तबके दे होनहार विद्यार्थिं गी वजीफे दित्ते जंदे न तां जे ओह 8मीं जमात दे बाद बी अपनी पढाई जारी रखन ते 12मीं जमात तगर शिक्षा हासल करी सकन।

<><><><><><>

National Lok Adalat

ओंदी 14 सितम्बर गी लोआई जाने आली राष्ट्री लोक अदालत दिएं तैआरिं दा जायजा लैने लेई मुख् न्यायधीश ताशी राबस्तन होरें जम्मू कश्मीर ते लद्दाख केन्द्र शासत प्रदेशें दिएं बक्ख–बक्ख अदालतें थमां जजें कन्नै इक महत्वपूर्ण बैठक सददी। एहदा मुख् मकसद तेजिया कन्नै न्याह उपलब्ध करोआने ते आपसी रजामंदी कन्नै बक्ख–बक्ख मामलें दे नबेड़े राएं न्यायपालिका पर बोझ घट्ट करने च राष्ट्री लोक अदालत दे महत्वै पर लोह पाई। मुख् न्यायधीश होरें जजें गी गुजारश कीती जे ओह बक्ख–बक्ख अदालतें च बकाया पेदे मते शा मते मामलें दी सुनवाई ते दौनें पक्खें दी सैहमति कन्नै नबेड़ा जकीनी बनान। मुख् न्यायधीश होरें सब्बनें गी न्याह उपलब्ध करोआने च राष्ट्री लोक अदालत जनेह मंचें दे महत्व ते जरूरतें पर टकोहदा जोर दित्ता।

<><><><><><>

J&K Elections

भारती जनता पार्टी नै जम्मू कश्मीर च असेंबली चुनाएं दे दुए गेड़ लेई 40 स्टार प्रचारकें दे नां आली सूचि जारी कीती ऐ। इंदे च प्रधानमंत्री नरेन्द्र मोदी, गृहमंत्री अमित शाह, रक्षा मंत्री राजनाथ सिंह, बीजेपी दे राष्ट्री अध्यक्ष जे.पी.नड्डा ते उत्तर प्रदेश दे मुख्मंत्री योगी आदित्यनाथ मुख् तौरा पर शामिल न। प्रदेश च दुए गेड़ दे असेंबली चुनां इस म्हीने दी 25 तरीक गी होने न।

<><><><><><>

Teachers Day

जम्मू खित्ते च बी कल शिक्षक दिवस मनाया गेआ। इस मोके विद्यार्थिं दे भविक्ख गी आकार देने आले शिक्षक दे अनकथ जतनें ते समर्पण लेई उनेंगी सम्मानत कीता गेआ। इस ध्याड़े बक्ख-बक्ख सांस्कृतिक कार्यक्रम, वाद-विवाद च कला प्रदर्शनिं सनें बक्ख-बक्ख कार्यक्रमें दा आयोजन होआ, जेहूदे च विद्यार्थिं बक्ख-बक्ख ढंगा कन्ने शिक्षकें प्रति अपना आभार प्रगट कीता। बड़े सारे स्कूलें च बडिडं जमातें च पढा'रदे विद्यार्थिं कल शिक्षकें दी भूमका नभाई ते बक्ख-बक्ख गतिविधियां कीतियां। शिक्षक दिवस उप्पर कल बक्ख-बक्ख खेड्डें ते स्कूलें च होर केई प्रोग्रामें दा सरिस्ता कीता गेआ। डरैक्टर स्कूल एजुकेशन जम्मू अशोक शर्मा होरें सब्बने शिक्षकें गी बधाइ दित्ती ते गलाया जे शिक्षक गै भविक्ख दा निर्माता होंदा ऐ।

<><><><><><>